

Broj: 04-05-88/2019  
Sarajevo, 23.01.2019. godine

Na osnovu člana 14. stav 2. Zakona o slobodi pristupa informacijama u Federaciji Bosne i Hercegovine („Službene novine Federacije BiH“, broj 32/01 i 48/11), člana 200. stav 1. Zakona o upravnom postupku („Službene novine Federacije BiH“, br. 2/98 i 48/99) i člana 89. Poslovnika o radu Vlade Federacije Bosne i Hercegovine – Prečišćeni tekst („Službene novine Federacije BiH“, br. 6/10, 37/10 i 62/10), sekretar Vlade Federacije Bosne i Hercegovine, postupajući po Zahtjevu Centra za kritičko mišljenje Mostar, donio je

### RJEŠENJE

Odobrava se u cjelosti Zahtjev za slobodan pristup informacijama, podnesen od strane Centra za kritičko mišljenje Mostar, te se podnosiocu Zahtjeva, bez naknade, a kao sastavni dio ovog rješenja dostavlja kopija Prijedloga odluke o odobravanju raspodjele dijela novčanih sredstava ostvarenih prodajom preduzeća iz nadležnosti Agencije za privatizaciju u Federaciji Bosne i Hercegovine privrednom društvu PRETIS d.d. Vogošća sa Obrazloženjem, koju je Vlada Federacije Bosne i Hercegovine donijela na 166. sjednici, održanoj 12.12.2018. godine („Službene novine Federacije BiH“, broj: 101/18).

### Obrazloženje

Centar za kritičko mišljenje Mostar obratio se putem e-maila dana 09.01.2019. godine, Kabinetu sekretara Vlade Federacije Bosne i Hercegovine Zahtjevom za pristup informacijama, koji se odnosi na dostavljanje Prijedloga odluke Vlade Federacije Bosne i Hercegovine o odobravanju raspodjele dijela novčanih sredstava ostvarenih prodajom preduzeća iz nadležnosti Agencije za privatizaciju u Federaciji Bosne i Hercegovine privrednom društvu PRETIS d.d. Vogošća sa obrazloženjem zbog čega su sredstva doznačena privrednom društvu PRETIS d.d. Vogošća.


Razmatrajući predmetni zahtjev u postupku utvrđivanja eventualnog postojanja izuzetaka od saopćavanja informacije u konkretnom slučaju, te cijeneći predmetni zahtjev opravdanim, to je u skladu sa odredbama Zakona o slobodi pristupa informacijama u Federaciji Bosne i Hercegovine, riješeno kao u dispozitivu ovog rješenja.

**POUKA O PRAVNOM LIJEKU:** Protiv ovog rješenja može se izjaviti prigovor Vladi Federacije Bosne i Hercegovine, u roku od osam dana od dana prijema rješenja. Prigovor se izjavljuje putem Generalnog sekretarijata Vlade Federacije Bosne i Hercegovine, na adresu: Hamdije Čemerlića broj 2, 71000 Sarajevo.

**UPUTSTVO O OBRAĆANJU INSTITUCIJI OMBUDSMENA BOSNE I HERCEGOVINE:** U vezi sa ovim rješenjem, podnositelj se može obratiti Instituciji Ombudsmena za ljudska prava Bosne i Hercegovine na adresu: Akademika Jovana Surutke br. 13, 78000 Banja Luka.

Dostaviti:

1. Centar za kritičko mišljenje  
Maršala Tita 85, 88 000 Mostar
2. U predmet



SEKRETAR VLADE

mr.sc. Edita Kalajdžić

Na osnovu člana 19. stav (2) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), a u vezi tačke III Odluke o osnivanju posebnog fonda Razvojne banke Federaciji Bosne i Hercegovine i načinu korištenja novčanih sredstava ostvarenih prodajom preduzeća iz nadležnosti Agencije za privatizaciju u Federaciji BiH („Službene Novine Federacije BiH“, broj 17/17), Vlada Federacije Bosne i Hercegovine, na sjednici \_\_\_\_, održanoj \_\_\_\_\_, d o n o s i

## **ODLUKU**

o odobravanju raspodjele dijela novčanih sredstava ostvarenih prodajom preduzeća iz nadležnosti Agencije za privatizaciju u Federaciji Bosne i Hercegovine privrednom društvu **PRETIS d.d. Vogošća**

### **I**

Ovom Odlukom Vlada Federacije Bosne i Hercegovine, u funkciji Skupštine Razvojne banke Federacije Bosne i Hercegovine odobrava da se iz sredstava ostvarenih prodajom preduzeća iz nadležnosti Agencije za privatizaciju u Federaciji Bosne i Hercegovine koja su deponovana na transakcijskom računu posebnog fonda Razvojne banke Federacije Bosne i Hercegovine, otvorenog kod Centralne banke Bosne i Hercegovine doznače sredstva privrednom društvu **PRETIS d.d. Vogošća**, iz oblasti namjenske industrije u iznosu od 1.900.000,00 KM u svrhu završetka Ugovora broj: 064-16 između privrednog društva **PRETIS d.d. Vogošća** i **Unis Group d.o.o. Sarajevo** (End User Kraljevina Saudijska Arabija).

### **II**

Sredstva iz tačke I ove odluke će biti uplaćena od strane Razvojne banke Federacije Bosne i Hercegovine na transakcijski račun privrednog društva **PRETIS d.d. Vogošća** nakon što Federalno ministarstvo energije, rudarstva i industrije i privredno društvo **PRETIS d.d. Vogošća** potpišu ugovor o realizaciji dodijeljenih grant sredstava, kojim će biti precizno definisana prava i obaveze ugovornih strana.

### **III**

Za realizaciju ove odluke zadužuju se Razvojna banka Federacije Bosne i Hercegovine, Federalno ministarstvo energije, rudarstva i industrije i privredno društvo **PRETIS d.d. Vogošća**, svako u okviru svoje nadležnosti.

### **IV**

Ova odluka stupa na snagu narednog dana od dana objavljivanja u „Službenim novinama Federacije BiH“.

V. broj: \_\_\_\_\_/18

\_\_\_\_\_2018. godine  
Sarajevo

**P R E M I J E R**

Fadil Novalić

## O b r a z l o ž e n j e

uz Prijedlog odluke o odobravanju raspodjele dijela novčanih sredstava ostvarenih prodajom preduzeća iz nadležnosti Agencije za privatizaciju u Federaciji Bosne i Hercegovine privrednom društvu PRETIS d.d. Vogošća

### I - ZAKONSKI OSNOV

Zakonski osnov za donošenje ove odluke je sadržan u odredbi člana 19. stav (2) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), a u vezi tačke III Odluke o osnivanju posebnog fonda Razvojne banke Federaciji Bosne i Hercegovine i načinu korištenja novčanih sredstava ostvarenih prodajom preduzeća iz nadležnosti Agencije za privatizaciju u Federaciji Bosne i Hercegovine („Službene novine Federacije BiH“, broj 17/17).

### II - RAZLOZI ZA DONOŠENJE

Privredno društvo PRETIS d.d. Vogošća obratilo se Federalnom ministarstvu energije, rudarstva i industrije Zahtjevom za dodjelu grant sredstava iz fonda Razvojne banke Federacije BiH broj: AZB/DS 1554/18 od 30.11.2018. godine i dopunom Zahtjeva broj: 1556/18 od 03.12.2018. godine za dodjelu grant sredstava u iznosu od 1.900.000,00 KM, u cilju realizacije Ugovora broj: 064-16 između privrednog društva PRETIS d.d. Vogošća i Unis Group d.o.o. Sarajevo (End User Kraljevina Saudijska Arabija). Navedena sredstva su potrebna za rješavanje problema trenutne nelikvidnosti, koja je proizvedena sporom realizacijom navedenog Ugovora i teretom starih dugovanja.

Zahtjevom je navedeno da od momenta završetka ili prijema LOT-a, do momenta naplate protekne period od 6 do 9 mjeseci, što je jako dug i opterećavajući period koji utiče na likvidnost privrednog društva. PRETIS d.d. Vogošća trenutno završava metalne komponente za LOT VI za navedeni Ugovor, međutim nije u mogućnosti da obezbijedi ostale komponente u procesu proizvodnje, što bi moglo dovesti do toga da se Ugovor ne završi do momenta isteka izvozne dozvole (januar 2019. godine).

Problematika likvidnosti proizašla iz nemogućnosti realizacije navedenog Ugovora i starih dugovanja, mogla bi da obustavi saradnju sa Kraljevinom Saudijskom Arabijom, koja je trenutno najveći kupac kako privrednog društva PRETIS d.d. Vogošća, tako i ostalih BiH kompanija iz namjenske industrije.

Na osnovu navedenog, predlaže se da Vlada Federacije Bosne i Hercegovine donese odluku u dostavljenom tekstu.

### III - OBRAZLOŽENJE PRAVNIH RJEŠENJA

**Tačkom I** predložene Odluke utvrđeno je da Odlukom Vlada Federacije Bosne i Hercegovine, u funkciji Skupštine Razvojne banke Federacije Bosne i Hercegovine odobrava, da se iz sredstava ostvarenih prodajom preduzeća iz nadležnosti Agencije za privatizaciju u Federaciji Bosne i Hercegovine koja su deponovana na transakcijskom računu posebnog fonda Razvojne banke Federacije Bosne i Hercegovine, otvorenog kod Centralne banke Bosne i Hercegovine, doznače sredstva privrednom društvu PRETIS d.d. Vogošća iz sektora namjenske industrije, u iznosu od 1.900.000,00 KM, u svrhu završetka Ugovora broj: 064-16 između privrednog društva PRETIS d.d. Vogošća i Unis Group d.o.o. Sarajevo.

**Tačkom II** predložene odluke sredstva iz tačke I ove odluke će biti uplaćena od strane Razvojne banke Federacije Bosne i Hercegovine na transakcijski račun privrednog društva PRETIS d.d. Vogošća, nakon što Federalno ministarstvo energije, rudarstva i

---

industrije i privredno društvo PRETIS d.d. Vogošća potpišu ugovor o realizaciji dodijeljenih grant sredstava, kojim će biti precizno definisana prava i obaveze ugovornih strana.

**Tačkom III** predložene odluke za realizaciju ove odluke zadužuju se Razvojna banka Federacije Bosne i Hercegovine, Federalno ministarstvo energije, rudarstva i industrije i PRETIS d.d. Vogošća, svako u okviru svoje nadležnosti.

**Tačkom IV** predložene Odluke definisano je stupanje na snagu iste.

### **III - FINANSIJSKA SREDSTVA**

Za realizaciju ove odluke nije potrebno obezbjediti novčana sredstva u Budžetu Federacije Bosne i Hercegovine.